



# JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-02-~~7049~~7049/20  
Zenica, 18.11.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

## O D L U K U

### I

Vrši se odabir ponude ponuđača „ALFA MED“ D.O.O. TOMISLAVGRAD u predmetu javne nabavke robe - nabavka i proširenje instalacije razvoda kisika u Odjelu interne medicine sa hemodijalizom – Odsek nefrologije JU Kantonalna bolnica Zenica, ukupne vrijednosti ponude 20.859,00 KM bez PDV-a (tender broj: 61-N-31/20), i dodjeljuje se ugovor na period do isteka garantnog roka (24 mjeseca).

### II

Sa odabranim ponuđačem iz tačke I ove Odluke, a nakon pravosnažnosti iste, zaključit će se ugovor na period do isteka garantnog roka, u ukupnom iznosu od 20.859,00 bez PDV-a.

### III

Javna nabavka je provedena putem konkurentskog postupka sa namjerom provođenja e-aukcije.

### IV

Ova odluka stupa na snagu danom donošenja.

## O B R A Z L O Ž E N J E

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku roba - nabavka i proširenje instalacije razvoda kisika u Odjelu interne medicine sa hemodijalizom-Odsjek nefrologija za potrebe JU Kantonalna bolnica Zenica (tender broj: 61-N-31/20) imenovana Odlukom direktora broj: 01-02-849-1/20 od 23.11.2020.godine podnosi direktoru JU Kantonalna bolnica Zenica izvještaj o provedenom postupku javne nabavke roba - nabavka i proširenje instalacije razvoda kisika u Odjelu interne medicine sa hemodijalizom-Odsjek nefrologija za potrebe JU Kantonalna bolnica Zenica (tender broj: 61-N-31/20), odlukom direktora, broj: 01-02-849/20 od 23.11.2020. godine pokrenut je postupak javne nabavke roba - nabavka i proširenje instalacije razvoda kisika u Odjelu interne medicine sa hemodijalizom-Odsjek nefrologija za potrebe JU Kantonalna bolnica Zenica (tender broj: 61-N-31/20), ukupne procijenjene vrijednosti 17.800,00 bez PDV-a, konkurencijskim postupkom, a u skladu sa članom 19. st.1. Zakona o javnim nabavkama.

### Komisija je utvrdila sljedeće:

da je na portalu „E-nabavke“ dana 30.11.2020. godine, objavljeno obavještenje o nabavci broj: 669-7-1-465-3-414/20 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 11.12.2020. godine,

Da je planirano zaključivanje ugovora o javnoj nabavci robe sa jednim ponuđačem,

- da na portalu „E-nabavke“ nije bilo postavljenih upita vezano za predmetnu nabavku
- Da je sa portala „E-nabavke“ tendersku dokumentaciju objavljenu 30.11.2020. godine, preuzelo ukupno 5 (pet) potencijalnih ponuđača,
- da je javno otvaranje ponuda bilo dana 11.12.2020. godine sa početkom u 10:00 sati,
- da su 11.12.2020. godine u 09:55 sati ponude predate Samiru Bijediću, predsjedniku Komisije za javne nabavke kao ovlaštenom predstavniku ugovornog organa-Bolnice,
- da na javnom otvaranju ponuda nisu prisustvovali predstavnici ponuđača,
- da je na tender, broj: 61-N-31/20, u predviđenom roku pristiglo ukupno 2 (dvije) ponude i to ponude ponuđača:

1. „INEL-BH“ D.O.O. MAGLAJ
2. „ALFA-MED“ D.O.O. TOMISLAVGRAD

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA PONUDE u KM bez pdv-a
1	„INEL-BH“ d.o.o. Maglaj	Ukupna cijena ponude bez PDV-a: <b>17.750,00 KM</b>
2	„ALFA-MED“ d.o.o. Tomislavgrad	Ukupna cijena ponude bez PDV-a: <b>20.859,00 KM</b>

Na zatvorenom sastanku Komisije održanom 18.12.2020. godine, sa početkom u 10:00 sati konstatovano je sljedeće:

- da je u skladu sa članom 88. stav (1) ZJN BiH, dana 02.12.2020. godine, upućen zahtjev za dostavljanje ponude na 3 (tri) adrese potencijalna ponuđača, putem email-a i to firmama:
  1. „ECOGAS“ d.o.o. Gračanica,
  2. „MESSER“ d.o.o. Sarajevo i
  3. „ALFA MED“ d.o.o. Tomislavgrad
- da su svi uslovi i traženi dokazi u tenderskoj dokumentaciji koncipirani u skladu sa Zakonom o javnim nabavkama i nisu mogli utjecati na broj dostavljenih i prihvatljivih ponuda, odnosno poštovani su principi jednakog tretmana i nediskriminacije dobavljača,
- da je za ispunjavanje svih uslova predviđenih tenderskom dokumentacijom traženo dostavljanje sljedećih dokumenata, obrazaca i izvjava:

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izvjava, po tačkama iz tenderske dokumentacije:

Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

**U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izvjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izvjavu.**

**Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze (original ili ovjerenu kopiju) u svrhu dokazivanja činjenica potvrđenih u izvavi i to:**

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku jeobustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izvjavu. Dokaze o ispunjavanju uslova je dužan dostaviti u roku od 3 (tri) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izvjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe. Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini). Za ponuđače čije je sjedište izvan Bosne i Hercegovine ne traži se posebna nadovjera dokumenata.

**Ponudjač je dužan u svrhu dokazivanja sposobnosti obavljanja profesionalne djelatnosti (član 46.ZJN BIH) dokazati da je:**

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,

U svhu dokazivanja uslova iz tačke a) ponudjač je dužan dostaviti:

- **aktuelni izvod iz sudskog registra** ili izvjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

**Ekonomsko-profesionalna sposobnost u smislu člana 47. ZJN BIH**

Ponuđač je dužan u svrhu dokazivanja ekonomsko i finansijske sposobnosti kandidata (član 47. ZJN BiH) dokazati da:

a) da je **glavni** transakcijski bankarski račun ponuđača aktivan

U svrhu dokazivanja uslova iz tačke a) ponuđač je dužan dostaviti izjavu ovjerenu od strane ponuđača, koja je dostavlja u formi iz Priloga 4. TD, koja ne smije biti starija od 15 /petnaest/ dana od dana predaje ponude i dostavljanje:

- Potvrda banke ponuđača da ponuđač ima otvoren i solventan račun kod iste i da je ujedno taj račun **glavni**, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan u svrhu dokazivanja tehničke i profesionalne sposobnosti dokazati da ispunjava slijedeće uslove:

- 1) **da ima angažovano osoblje sa obrazovnim i profesionalnim kvalifikacijama adekvatnim poslovima iz predmeta nabavke,**
- 2) Uspješno iskustvo kao osnovnog ugovarača u realizaciji najmanje 1 (jednog) ugovora o isporuci isporuke razvoda kisikau prethodne tri godine, ukupne vrijednosti ugovora minimalno 17.000,00, bez PDV-a, na godišnjem nivou,

**U svrhu dokazivanja uslova iz tačke:**

- a) Izjava ponuđača da raspolaže stručnim osobljem obrazovnih i profesionalnih kvalifikacija sposobnih za izvršenje ugovora
- b) **Spisak izvršenih ugovora o isporuci razvoda kisikau prethodne tri godine, uz potvrdu koju daje druga ugovorna strana o njihovoj realizaciji za najmanje 1 (jedan) ugovor čija je ukupna pojedinačna vrijednost od minimalno 17.000,00 KM, bez PDV-a na godišnjem nivou, odnosno spisak izvršenih ugovora od dana kada je ponuđač registrovan ako je počeo sa radom prije manje od tri godine. U slučaju da se takva potvrda iz objektivnih razloga ne može dobiti od druge ugovorne strane, vrijedi izjava privrednog subjekta o uredno izvršenim ugovorima, da se takve potvrde iz objektivnih razloga ne mogu dobiti od ugovorne strane pod uslovima i saglasno čl.48.st 1-3. i čl. 49. ZJN. uz predočavanje dokaza o učinjenim pokušajima da se takve potvrde osiguraju.**

NAPOMENA: Potvrda o uredno izvršenim ugovorima ili izjava ponuđača o uredno izvršenim ugovorima iz tačke b) obavezno moraju sadržavati sve podatke navedene u čl.48.st3 ZJN, u protivnom ponuda će biti odbijena kao neprihvatljiva.

**Dokaz se dostavlja kao originalna izjava ovjerena od strane ponuđača, s tim da izjave/dokumenti ne smiju biti starije od 15 /petnaest/ dana od dana predaje ponude. Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.**

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 5 (pet) dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

**Izjave i dokumenti o uslovima isporuke, garanciji i pružanju servisne podrške**

U vezi sa ispunjavanjem uslova isporuke, garanciji i pružanju servisne podrške, ponuđač je dužan dostaviti:

1. Izjava ponuđača da je garantni rok za **isporuku, instalaciju i ugrađenu opremu minimalno 2 (dvije) godine,**
2. Izjava ponuđača da će robu isporučiti i ugraditi u roku ne dužem od **20 (dvadeset) dana** od dana dostavljanja elektronske narudžbenice prema potrebama Ugovornog organa
3. Izjava ponuđača da ponuđena roba zadovoljava sve zahtjevane tehničke karakteristike utvrđene u Prilogu 2. Tenderske dokumentacije.
4. Izjava o mjestu isporuke – JU Kantonana bolnica Zenica u skladu sa tačkom 2.3. TD
5. Izjava o roku plaćanja od **60 /šezdeset/ dana** od dana puštanja opreme u rad u skladu sa tačkom 12.1. TD,
6. Izjava ponuđača o nepromjenjivosti cijena za vrijeme trajanja ugovora
7. Izjava o opciji ponude u trajanju od **120 /stotinudvadeset/ dana** u skladu sa tačkom 4.9. TD

**Diskvalifikacija po osnovu sukoba interesa ili korupcije**

U skladu sa članom 52. Zakona, kao i sa drugim relevantnim propisima, ugovorno tijelo će odbiti ponudu u postupku javne nabavke ako je ponuđač sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja uticaja na radnju, odluku ili tok postupka javne nabavke.

Kao dokaz da ne postoje navedeni razlozi za diskvalifikaciju, ponuđač je obavezan dostaviti **ovjerenu izjavu od strane nadležnog organa** datu na obrascu Priloga broj 6 koji je sastavni dio ove tenderske dokumentacije.

Ukoliko ponudu dostavlja grupa ponuđača, svi članovi grupe moraju biti registrovani za obavljanje djelatnosti koja je predmet nabavke ili za dio predmeta nabavke.

**PODACI O PONUDI**

**Sadržaj ponude i način pripreme ponude**

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilničnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

**Ponuda mora sadržavati:**

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.
- b) Obrazac za ponudu, **Prilog broj 1 TD;**
- c) Obrazac za cijenu ponude, **Prilog broj 2 TD;**
- d) Izjava o ispunjenosti uslova iz člana 45. stav (1) tačka od a) do d) Zakona o javnim nabavkama, **Prilog broj 3 TD;**
- e) Obične kopije dokumenata kojima ponuđač dokazuje ispunjenost uslova iz člana 46. Zakona, saglasno tački 3.2.TD,
- f) Izjava i obične kopije dokumenata kojima dokazuje da ispunjava uslove iz člana 47. st. (1) tačka od a) do d) i (4) Zakona o javnim nabavkama, **Prilog broj 4 TD.** U skladu sa tačkom 3.3. TD;
- g) Dokumente i Izjave ponuđača o ispunjavanju uslova iz tačke 3.4. TD
- h) Dokumenti/Izjave kojima dokazuje uslove postavljene u tački 3.5. TD
- i) Izjava ponuđača o prihvatanju garancije za dobro izvršenje ugovora sporazuma u visini od 10% od vrijednosti ugovora, **Prilog broj 5.**
- j) Pismena izjava ponuđača iz člana 52. Zakona o javnim nabavkama, **Prilogbroj 6. TD** ovjerena kod nadležnog organa,
- k) Obrazac povjerljive informacije, **Prilog broj 7,**
- l) Parafiran i potpisan nacrt ugovora, **Prilogbroj 8,**
- m) Obrazac izjave o prihvatanju općih i posebnih uslova tenderske dokumentacije, **Prilog broj 9,**
- n) Original uvjerenja Vanjskotrgovinske komore Bosne i Hercegovine, Sektor za javna dokumenta u slučaju da ponudjač podliježe primjeni preferencijalnog tretmana domaćeg.
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

**KOMISIJA KOJA PROVODI PREDMETNU JAVNU NABAVKU NA ZAPISNIK KONSTATUJE DA JE PONUĐAČ „INEL BH“ D.O.O. MAGLAJ UZ PONUDU DOSTAVIO UZ PONUDU DOSTAVIO SLJEDEĆE DOKUMENTE I TO:**

- Specifikacija dostavljene dokumentacije koja čini sastavni dio ponude, ovjereno i potpisano od strane ovlaštene osobe na memorandumu ponuđača
- Osnovni podaci o ponuđaču, ovjereno i potpisano od strane ovlaštene osobe na memorandumu ponuđača
- Obrazac za dostavljanje ponude, **Prilog broj 1**, uredno popunjen, ovjeren i potpisan od strane ovlaštene osobe
- Obrazac za cijenu ponude **Prilog broj 2**, uredno popunjen, ovjeren i potpisan od strane ovlaštene osobe,
- Ponuda, broj: NP-P-966/20, potpisana i ovjerena od strane ovlaštene osobe
- Izjava o ispunjenosti uslova iz člana 45. stav (1) tačka od a) do d) i (4) Zakona o javnim nabavkama, ovjerena od strane nadležnog organa dana 02.12.2020, **Prilog broj 3,**
- Uvjerenje Suda BiH, Su: 03-8864/20 od 24.11.2020. godine, Sarajevo a sve u smislu člana 45. stav 2.tačka a), kopija ovjerena od strane nadležnog organa dana 02.12.2020 godine
- Uvjerenje Općinskog suda u Zavidovićima, broj:042-0-Su-20-000986 od 24.11.2020. godine, a sve u smislu člana 45.stav 1.tačka a), okopija vjerena od strane nadležnog organa dana 02.12.2020 godine
- Uvjerenje Općinski sud u Zenici, broj: 043-O-Su-R 1-20-002752 od 23.11.2020. godine da ponuđač nije pod stečajem niti je predmet stečajnog postupka i nije predmet postupka likvidacije, kopija ovjerena od strane nadležnog organa dana 02.12.2020. godine
- Uvjerenje Federalnog ministarstva financija, Kantonalni Porezni ured Zenica, Porezna ispostava Maglaj, broj: 13-4/3-12-5-981/20 od 24.11.2020. godine da ponuđač nema duga po osnovu javnih prihoda, kopija ovjerena od strane nadležnog organa dana 02.12.2020 godine
- Uvjerenje Uprave za indirektno oporezivanje BiH, Regionalni centar Tuzla, broj: 02/6/IV-16-11-89-7612-1 od 24.11.2020. godine, kopija ovjerena od strane nadležnog organa dana 02.12.2020. godine
- Aktuelni izvod iz sudskog registra Općinskog suda u Zenici, broj: 043-0-RegZ-20-002906 od 23.11.2020. godine, kopija ovjerena od strane nadležnog organa dana 02.12.2020. godine
- Izjava o ispunjenosti uslova iz člana 47. stav (1) tačka od a) do d) Zakona o javnim nabavkama, potpisana od strane ovlaštene osobe, **Prilog broj 4;**
- Potvrda Sparkasse bank o solventnosti računa ponuđača, godine, kopija ovjerena od strane nadležnog organa dana 02.12.2020 godine
- Izvještaj Centralne banke BIH o računima poslovnog subjekta na dan 24.11.2020. godine, kopija ovjerena od strane nadležnog organa dana 02.12.2020. godine
- Pismena izjava iz člana 52. Zakona o javnim nabavkama BiH, ovjerena od strane nadležnog organa dana 02.12.2020. godine, **Prilog broj 6;**
- Izjava ponuđača da raspolaže stručnim osobljem, ovjerena i potpisana od strane ovlaštene osobe
- Izjava ponuđača da je garantni rok za ponuđenu predmetnu robu 2/dvije /godine od dana isporuke predmetne robe, ovjerena i potpisana od strane ovlaštene osobe
- Izjava ponuđača da će robu isporučiti i ugraditi u roku ne dužem od 20 (dvadeset) dana od dana dostavljanja elektronske narudžbenice, ovjerena i potpisana od strane ovlaštene osobe
- Izjava ponuđača o ispunjavanju tehničkih karakteristika, potpisana i ovjerena od strane ovlaštene osobe
- Izjava ponuđača o mjestu isporuke (JU Kantonalna bolnica Zenica), potpisana i ovjerena od strane ovlaštene osobe
- Izjava ponuđača da je predmetna roba 60/šezdeset/dana od dana puštanja opreme u rad, potpisana i ovjerena od strane ovlaštene osobe
- Izjava ponuđača da su cijene nepromijenjive za vrijeme trajanja ugovora, potpisana i ovjerena od strane ovlaštene osobe;
- Izjava ponuđača o opciji važenja ponude u trajanju od 120 /stotinudvadeset/ dana, potpisana i ovjerena od strane ovlaštene osobe

- Obrazac izjave o dostavi garancije, uredno popunjen, ovjeren i potpisan od strane ovlaštene osobe, **Prilog broj 5**;
- Izjava ponuđača o dostavi garancije za uredno izvršenje ugovora, ovjeren i potpisan od strane ovlaštene osobe
- Spisak uredno izvršenih ugovora, ovjeren i potpisan od strane ovlaštene osobe na memorandum ponuđača
- Dopis-potvrda o uredno izvršenom ugovoru (od strane 28 do strane 34) ovjerena od strane nadležnog organa 02.12.2020 godine
- Obrazac za povjerljive informacije, **Prilog broj 7**, ovjeren i potpisan od strane ovlaštene osobe
- Nacrt Ugovora potpisan, popunjen i ovjeren od strane ovlaštene osobe, **Prilog broj 8**;
- Izjava ponuđača o prihvatanju općih i posebnih uslova TD, popunjena, ovjerena i potpisana od strane ovlaštene osobe, **Prilog broj 9**.
- Izjava ponuđača o prihvatanju općih i posebnih uslova TD, ovjerena i potpisana od strane ovlaštene osobe

Analizom ponude ponuđača „INEL BH” D.O.O. MAGLAJ, utvrđeno je da je ponuda uvezana na način utvrđen T.D., da je ista numerisana i da je ponuđač dostavio “KOPIJU” i “ORIGINAL” ponude kako je traženo TD u tački 4.2. Način dostavljanja ponude TD, da je ponudjač dostavio dokumente, obrasce i izjave tražene tenderskom dokumentacijom o ispunjavanju uslova traženih u pogledu lične sposobnosti iz člana 45. ZJN BiH, a u skladu sa tačkom 3.1. TD, ekonomsko-finansijske sposobnosti iz člana 47. ZJN BiH u skladu sa tačkom 3.3. TD i profesionalne sposobnosti ponudjača iz člana 46. ZJN BiH u skladu sa tačkom 3.2. TD.

Ponuda ne ispunjava uslove u pogledu primjene preferencijalnog tretmana domaćeg obzirom da imenovani ponuđač nije dostavio potrebnu dokumentaciju koja je propisana tačkom 7. TD.

Uvidom u ponudu utvrđeno je da je ponuđač „INEL BH” D.O.O. MAGLAJ kao sastavni dio iste dostavio i svu potrebnu dokumentaciju iz član 45. ZJN BiH u skladu sa tačkom 3.1. TD, te u slučaju da imenovani bude odabran Odlukom kao najpovoljniji ponuđač isti neće biti dužan dostavljati dokumentaciju koja je ranije Ugovornom organu dostavljena.

Uvidom u dostavljenu ponudu ponuđača “INEL BH” D.O.O. MAGLAJ Komisija koja provodi predmetnu javnu nabavku je utvrdila da ponuđač ne ispunjava uslove u pogledu tehničke sposobnosti ponuđača propisane članom 48. stav (2) ZJN BiH, a koji su navedeni u tački 3.4. b) TD.

Naime, TD je predviđena nabavka, isporuka i ugradnja komponenti za razvod instalacije medicinskog kisika sa izradom odgovarajuće tehničke dokumentacije na Odjelu interne medicine sa hemodijalizom – Odsjek nefrologije. Kao kvalifikacioni uslov predviđeno je uspješno iskustvo u realizaciji najamanje 1 (jednog) ugovora u zadnje 3 (tri) godine o isporuci razvoda kisika. Od dva dostavljena ugovora, prvi ugovor odnosi se na period izvan 3 (tri) godine, tako da je navedena referenca o uspješnoj realizaciji ugovora neprihvatljiva. U pogledu drugog ugovora, iz dostavljenog sadržaja ugovora vidi se da se radi o isporuci robe bez ugradnje iste, i bez izrade tehničke dokumentacije odnosno projekta, a što je neizostavan element u tehničkoj specifikaciji za predmetnu javnu nabavku.

Na osnovu svega gore navedenog smatramo da navedena ponuda ponuđača „INEL BH” D.O.O. MAGLAJ ne ispunjava kvalifikacione uslove u pogledu tehničke sposobnosti ponuđača koji su propisani tačkom 3.4. TD, i kao takva je neprihvatljiva za Ugovorni organ, te se ista isključuje iz daljnjeg vrednovanja ponuda u predmetnoj javnoj nabavci

**KOMISIJA KOJA PROVODI PREDMETNU JAVNU NABAVKU NA ZAPISNIK KONSTATUJE DA JE PONUĐAČ „ALFA-MED” D.O.O. TOMISLAVGRAD UZ PONUDU DOSTAVIO SLJEDEĆE DOKUMENTE I TO:**

- Osnovni podaci o ponuđaču, ovjereno i potpisano od strane ovlaštene osobe
- Lista dostavljene dokumentacije, ovjereno i potpisano od strane ovlaštene osobe
- Obrazac za dostavljanje ponude, **Prilog broj 1**, ovjereno i potpisano od strane ovlaštene osobe
- Obrazac za cijenu ponude **Prilog broj 2**, popunjen, ovjeren i potpisan od strane ovlaštene osobe,
- Ponuda broj: 1120002276, potpisana i ovjerena od strane ovlaštene osobe
- Izjava o ispunjenosti uslova iz člana 45. st. (1) tačka od a) do d) i (4) Zakona o javnim nabavkama, ovjerena od strane nadležnog organa, **Prilog broj 3**,
- Aktuelni izvod iz sudskog registra Općinskog suda u Livnu, broj: od 01.12.2020. godine, kopija potpisana i ovjerena od strane ovlaštene osobe
- Izjava o ispunjenosti uslova iz člana 47. stav (1) tačka od a) do d) Zakona o javnim nabavkama, potpisana od strane ovlaštene osobe, **Prilog broj 4**;
- Obavijest Raiffeisen bank o dodjeli statusa glavnog računa ponuđača, godine, kopija
- Potvrda Raiffeisen bank o solventnosti transakcijskog računa, kopija
- Izjava ponuđača o serviserima (posjeduje vlastiti servis za servisiranje ponuđene opreme i osiguran servis uz pripadajuću opremu), potpisana i ovjerena od strane ovlaštene osobe
- Izjava ponuđača o spisku izvršenih ugovora (od strane 37 do strane 40) potpisana i ovjerena od strane ovlaštene osobe
- Autorizacija Heyer Aerotech (na engleskom jeziku) ovjerena od strane nadležnog organa 09.12.2020 godine
- Pismo Autorizacija Heyer Aerotech, (na engleskom jeziku) od 09.12.2020 ovjerena i potpisana od strane ovlaštene osobe
- Certifikat Heyer Aerotech-Anes Huseinspahić (na engleskom jeziku) potpisana i ovjerena od strane ovlaštene osobe
- Potvrda o osposobljenosti (internetska obuka u vezi s instaliranjem, jamstvom i održavanjem njihovih proizvoda) ovjerena od strane nadležnog organa 09.12.2020 godine
- Certifikat Heyer Aerotech (na engleskom jeziku) potpisana i ovjerena od strane ovlaštene osobe
- Izjava ponuđača o garantnom roku, 2/dvije/ godine potpisana i ovjerena od strane ovlaštene osobe
- Izjava ponuđača da će robu isporučiti i ugraditi u roku ne dužem od 20(dvadeset)dana od dana dostavljanja elektronske narudžbenice, ovjeren i potpisan od strane ovlaštene osobe
- Izjava ponuđača o tehničkoj specifikaciji, ovjerena i potpisana od strane ovlaštene osobe
- Izjava ponuđača o mjestu isporuke (JU KBZ) ovjerena i potpisana od strane ovlaštene osobe

- Izjava ponuđača da prihvata uslove plaćanja od 60 dana(šezdeset)dana od dana puštanja opreme u rad, ovjerena i potpisana od strane ovlaštene osobe
- Izjava ponuđača da su cijene nepromijenjive za vrijeme trajanja ugovora, potpisana i ovjerena od strane ovlaštene osobe;
- Izjava ponuđača o opciji važenja ponude u trajanju od 120 dana, potpisana i ovjerena od strane ovlaštene osobe
- Obrazac izjave o dostavi garancije, popunjen, ovjeren i potpisan od strane ovlaštene osobe, **Prilog broj 5;**
- Pismena izjava iz člana 52. Zakona o javnim nabavkama, ovjerena od strane nadležnog organa dana 30.11.2020. godine, **Prilog broj 6;**
- Povjerljive informacije, **Prilog broj 7,** ovjeren i potpisan od strane ovlaštene osobe
- Nacrtni Ugovora potpisan, popunjen i ovjeren od strane ovlaštene osobe, **Prilog broj 8;**
- Izjava ponuđača o prihvatanju općih i posebnih uslova TD, popunjena, ovjerena i potpisana od strane ovlaštene osobe, **Prilog broj 9.**
- Forma garancije za uredno izvršenje ugovora, ovjerena i potpisana od strane ovlaštene osobe, **Prilog broj 10**

Analizom ponude ponuđača „ALFA-MED“ D.O.O. TOMISLAVGRAD, Komisija koja provodi predmetnu javnu nabavku je utvrdila da je ponuda uvezana na način utvrđen T.D., da je ista numerisana i da je ponuđač dostavio “KOPIJU” i “ORIGINAL” ponude kako je traženo TD u tački 4.2. Način dostavljanja ponude TD.

Komisija je utvrdila da je ponudjač „ALFA-MED“ D.O.O. TOMISLAVGRAD dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu:

- lične sposobnosti iz člana 45. ZJN BiH u skladu sa tačkom 3.1. TD,
- ekonomsko-finansijske sposobnosti iz člana 47. ZJN BiH u skladu sa tačkom 3.3. TD
- profesionalne sposobnosti iz člana 46. ZJN BiH u skladu sa tačkom 3.2. TD
- tehničke i profesionalne sposobnosti ponudjača iz člana 48. ZJN BiH u skladu sa tačkom 3.4. TD,
- te u skladu sa traženim iz tačke 3.5. TD

Odnosno Komisija je utvrdila da ponuda imenovanog ponuđača ispunjava sve zahtjeve i uslove u pogledu opisa predmeta nabavke i tehničkih specifikacija, prema dostavljenoj ponudi navedenog ponuđača, te da je ista prihvatljiva za ugovorni organ.

Ponuda ne ispunjava uslove u pogledu primjene preferencijalnog tretmana domaćeg obzirom da imenovani ponuđač nije dostavio potrebnu dokumentaciju koja je propisana tačkom 7. TD.

Ponuđač nije u sklopu svoje ponude dostavio dokumentaciju iz člana 45. ZJN BiH, te u slučaju da bude odabran Odlukom o izboru najpovoljnijeg ponuđača istu će biti dužan dostaviti u skladu sa tačkom 3.1. TD u roku od 3 /tri/ dana.

Komisija koja provodi predmetnu javnu nabavku je u skladu sa svim gore navedenim utvrdila da je imenovani ponuđač dostavio svu potrebnu dokumentaciju, te da je ponuda ponuđača „ALFA-MED“ d.o.o. TOMISLAVGRAD u cjelosti prihvatljiva za Ugovorni organ.

U tenderskoj dokumentaciji za nabavku robe: **Nabavka i proširenje instalacije razvoda kisika u Odjelu interne medicine sa hemodijalizom-Odsjek nefrologija** za potrebe JU KBZ (tender broj: 61-N-31/19) JRJN 24111500 **Medicinski gasovi**, procijenjena vrijednost nabavke bez PDV-a: 17.800,00 KM, utvrđeni su kriteriji za dodjelu ugovora kao “najniža cijena tehnički zadovoljavajuće ponude.”

Također, tenderskom dokumentacijom planirano je provođenje e-aukcije.

Komisija je izvršila rangiranje početnih ponuda navedenih ponuđača, kako slijedi:

Redni broj	Naziv ponuđača	CIJENA PONUDE bez uračunatog PDV-a
1.	„ALFA-MED“ D.O.O. TOMISLAVGRAD	20.859,00 KM

Procijenjena vrijednost nabavke je 17.800,00 KM bez PDV-a.

Konstatuje se da je ponuđena cijena jedine prihvatljive ponude ponuđača „ALFA-MED“ D.O.O. TOMISLAVGRAD neznatno veća u odnosu na procijenjenu vrijednost nabavke, odnosno 17,19% je ponuđena cijena prihvatljivog ponuđača veća od procijenjene vrijednosti nabavke robe.

Obzirom da je u predmetnoj javnoj nabavci robe, pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi i kvalificiranosti jedinog kandidata u predmetnoj javnoj nabavci robe – nabavka i proširenje instalacije razvoda kisika u Odjelu interne medicine sa hemodijalizom – Odsjek nefrologije JU Kantonalna bolnica Zenica Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za javnu nabavku roba - nabavka i proširenje instalacije razvoda kisika u Odjelu interne medicine sa hemodijalizom – Odsjek nefrologije JU Kantonalna bolnica Zenica (konkurencijski zahtjev za dostavu ponuda, tender broj: 61-N-31/20) izvrši odabir najpovoljnije i jedine kvalificirane ponude i donese Odluku o dodjeli ugovora na period do isteka trajanja garancije od 24 /dvadesetčetiri/mjeseca ponuđaču „ALFA-MED“ d.o.o. TOMISLAVGRAD na ukupnu vrijednost ponude od 20.859,00 KM bez PDV-a.

Na osnovu gore navedenog, donesena je odluka kao u dispozitivu.

#### POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 5 /pet/ dana od dana prijema iste.


  
**DIREKTOR**
  
 Prof.dr.sc.prim. Skomorac Rasim

